

AS LOMBAS

CARACTERÍSTICA PRINCIPAL:

SALTAR

XOGO CON MATERIAL:

NON

DESCRICIÓN

Nome do xogo:

AS LOMBAS; montar a mula; apandas; xogo das burras.

Xeito de xogo:

Bótanse sortes para escoller un pandote, **que se colocará anicada/o, apoiando as mans nos xeonllos**; o resto colócase en fila de fronte á persoa que panda e irán saltando por orde, por riba, escarranchando as pernas e pousando as mans no lombo, verbalizando as frases que indica a persoa que leva o xogo, á vez que executan a acción que se sinala entre paréntese:

"Á unha, saltar a mula" (saltar pousando só as mans).

"Ás dúas, salto e pégoche un couce" (saltar e darlle cun pé no cu).

"Ás tres, a cruz de San Andrés" (saltar e caer coas pernas abertas e os brazos en cruz).

"Ás catro, cuada que te parto" (saltar e dar co cu no lombo do pandote).

"Ás cinco, maior ou menor brinco" (saltar adiante ou atrás do lugar onde caera a persoa que manda no xogo).

"Ás seis, Meis" (saltar e beliscarlle no lombo).

"Ás sete, cachete" (saltar e darlle unha palmada no cu).

"Ás oito, pan, viño e biscoito" (saltar, darlle co pé no cu e unha cuada no lombo ao pandote).

"Ás nove, abre o paraugas que chove" (saltar, facendo que abren un paraugas namentras van polo aire).

"Ás dez, estatuas unha e outra vez" (saltar quedando estáticos ao caer e sen se tocar entre eles).

A persoa que falla pasa a pandar e cando volve xogar faino repetindo a frase e a acción na que fallara

VARIANTES:

Practicar o mesmo xogo, dicindo outras frases e realizando outras accións.

("Chirlosmirlos, Enciclopedia dos xogos populares", de Antón Cortizas - Ed. Xerais, nas páxinas 187/188).

MATERIAIS E ESPAZOS:

Non se precisa material, a non ser que se realice en cemento ou algún chan moi duro; neste caso unha colchoneta ou ben outro obxecto para evitar golpes en posibles caídas. Preferiblemente é un xogo de espazos exteriores, abertos e chan de terra ou de herba; pero tamén se pode desenvolver en interiores con chan duro (cemento, madeira ...)

CONSIDERACIÓNS DIDÁCTICAS

Formación de grupos:

Pódese nomear capitáns, que escollen alternativamente ás/aos membros do equipo. O profesorado observará a composición dos equipos, estimando (ou medindo, se é posible) os pesos de cada equipo e tentando equilibrar o balance se é moi amplo.

CARACTERÍSTICAS MOTORAS QUE DESENVOLVE:

FÍSICAS: forza.

COORDINATIVAS: coordinación carreira con salto.

ADAPTACIÓNS:

POR IDADE/CICLO: a partires dos 9 anos.

POR LIMITACIÓNS MOTORAS OU SENSORIAIS:

RELACIÓN CON OUTRAS MATERIAS:

- Língua: Vocabulario empregado nas frases que se verbalizan ao longo do xogo.

OUTROS XOGOS SEMELLANTES NO MUNDO

A mula de Burriana (Valencia), Pídola (Castela), Andaba la Mula (A Rioxa), Nache (Andalucía) Lapte Gros (Rumania), Bokspring (Holanda), Springe Buk (Dinamarca), Pukkihyppy (Finlandia), Saute-Mouton (Franza), Cabra cega (Brasil)...

